



*Iacob avant son deceds aduertit ses douze enfans de ce qu'il leur deuoit aduenir ; puis leur donne sa benediction.*

**I**ACOB âgé de cent quarante-sept ans , en ayant passé dix-sept en Egypte , & sentant approcher la fin de ses iours , appella Ioseph , & le fit iurer solennellement , qu'apres son trespas il le feroit enseuelir hors d'Egypte , en la sepulture de ses peres ; ce que Ioseph luy promit , lequel scachant son pere estre malade au liêt de la mort , mena ses deux enfans , Manasse & Ephraim ; & Iacob se souleuant , discourut à Ioseph de certaine benediction que Dieu luy auoit faite. Ioseph donc s'enclinant le chef en terre , fit donner benediction à ses deux enfans. Aussi Iacob benit Ioseph , disant : Le Dieu , deuant lequel ont cheminé nos peres , Abraham & Isaac , le Dieu qui m'a gouverné & conduit iusques à ce iourd'huy ; l'Ange qui m'a deliuré de tout mal , te benisse , & tes enfans. Ayant donc Iacob ainsi benits tous ses enfans , & dit à chacun ce qu'il leur aduiendroit apres son deceds , il esleut sa sepulture au champ d'Ephron Hethéen , en la fosse double ; puis expira ce bon pere Iacob , ayant vescu cent quarante-sept ans : Adonc Ioseph se ietta sur la face de son pere , & pleura.